

sud utvrđi da je tužbeni zahtjev osnovan u odnosu na tuženu, pa stoga tužena ističe prigovor nedostatka pasivne legitimacije tužene.

Iz Odluke Predsjedništva R BiH broj: 1542/93 od 29.08.1993.godine („Sl.list R BiH“, broj 20/93), kojom je utvrđeno područje od opšteg interesa za potrebe izgradnje „Aerodroma Visoko“ u Visokom, vidi se da se ovdje radi o objektu od posebnog značaja za Republiku Bosnu i Hercegovinu kao i Odluke Predsjedništva Republike Bosne i Hercegovine, o pristupanju izmjenama i dopunama Prostornog plana Bosne i Hercegovine za period od 1981. do 2000.godine, a u čijoj tački I stoji da se Izmjene i dopune Plana odnose na područje Opštine Visoko, lokalitet „Paljike“ u ukupnoj površini od 1500 hektara (ha), a u tački II iste Odluke

Sredstva za izradu izmjena i dopuna Plana obezbijedjavat će se iz republičkog budžeta. U tački III navedene Odluke kao nosilac Pripreme plana određena je Vlada Republike Bosne i Hercegovine, a nosilac izrade Plana Ministarstvo prostornog uređenja, građevinarstva i zaštite okoline.

Zadaci nosioca izrade izmjena i dopuna pomenutog plana bliže su definisani smjernicama za izradu izmjena i dopuna prostornog Plana Bosne i Hercegovine za period od 1981. do 2000. godine, a koje su takođe objavljene u „Sl.list R BiH“, broj 20/93.

Pomenute Odluke Predsjedništva R BiH najbolje govore u prilog tvrdnji da se ovdje radi o objektu od posebnog značaja za Republiku BiH, odnosno da tužena nije posivno legitimisana u ovom predmetu.

- DOKAZ:
- 1.Odluka o utvrđivanju područja od opšteg interesa („Sl.list RBiH“, br.20/93).
 - 2.Odluka o pristupanju izmjenama i dopunama Prostornog plana BiH za period od 1981. do 2000.godine („Sl.list RBiH“, br.20/93).
 - 3.Smjernice za izradu izmjena i dopuna Prostornog plan BiH za period od 1981.do 2000.godine („Sl.list RBiH“, br.20/93).

Naime, od formiranja 06.09.1993.godine, pa sve do 31.01.1997.godine „Aerodrom Visoko“ imao je status i vojnog objekta, tj. proglašen je objektom od posebnog značaja za Republiku BiH, što je utvrđeno u naređenju Štaba Vrhovne komande Republike BiH, str.pov.br. 06/749-01-40 od 03.06.1994.godine. To se takođe može vidjeti iz naređenja Generalštaba Armije RbiH, str.pov. br. 4/43-28 od 10.04.1995.godine, o formiranju brigade za izgradnju „Aerodroma“ Visoko, pri Vojnoj jedinici br. 5577 Sarajevo, kao i naređenje istog organa str.pov. br. 4/35-34 od 02.12.1996.godine o rasformiranju te brigade prema kojem od 01.02.1997.godine „Aerodrom“ Visoko dobiva status javnog preduzeća i prelazi na civilnu organizaciju.

DOKAZ: Naredbe Generalštaba Armije BiH

Tužena naglašava da je Općina Visoko preko svojih organa samo provela eksproprijaciju nekretnina za koje je utvrđen opći interes, dok za veći dio predmetnih parcela nije utvrđen opći interes, te nije ni bilo moguće donošenje rješenje o eksproprijaciji.

Odlukom Predsjedništva RBiH od 04.10.1993.godine utvrđen je opći interes za parcelu označenu kao k.č.br.2775/2 i parcelu označenu kao k.č. br. 1154/1 obje upisane u z.k.ul.broj 47 u K.O.Radovlje koje su i eksproprijsane rješenjima broj: 06/5-473-1-82/94 i broj: 06/5-473-1-50/93, te bi ovaj Sud u odnosu na te parcele u skladu sa članom 18. ZPP-a morao postupak obustaviti jer bi u tom pogledu trebalo primjeniti pravila vanparničnog postupka.

PR 1 LO 65

1